

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 521 del 07/03/2025

Trei fins de setemèna ti raions con argomenc e scontrèdes uniches: dut chest l é la Academia del Euregio – Joegn del Tirol, Sudtirolo e Trentin, se pel se scriver ite enschin ai 27 de oril

Academia del Euregio 2025: enscinuazions avertes per i joegn

[Ladino] Descorer del viver sa mont, del habitat alpin e di mudamenc climatics, cognoscer la bases del Euregio Tirol-Sudtirolo-Trentin e tor pèrt al Forum europeèn de Alpbach: chesta e tropa de autres l é la oportunitèdes che sporc la Academia del Euregio 2025. L percors de formazion l é out ai joegn anter i 18 e i 35 egn de duc trei i raions che vel smaorèr sia cognoschenzes dintornvia l Euregio e tel medemo temp fèr rei. I 30 partezipanc i podarà se confrontèr dintornvia i mudamenc a do a do del viver su la Alpes: la fases più freides e chela più ciaudes les à semper abù n gran peis sui insediamenc e su l'agricolutura. Ti ultimes diesc egn, l sciaudament l se à smaorà a na vida n muie spediata a cajon di mudamenc climatics, dintornvia chisc argomenc, i joegn podarà se confrontèr per trei fins de setemèna, che vegnarà endrezà ogne outa te un di raions del Euregio, per jir tel fon de la consaputa del Euregio e de sia strutures e per baratèr pensieres con esperc e persones de nonzech.

Da Rorei a Alpbach passan per Busan

La pruma scontrèda de l'Academia del Euregio la sarà a Rorei dai **23 a i 25 de mé**. En colaborazion co la Fondazione Trentina Alcide Degasper, vegnarà analisà la dimenscion storica del svilup del raion olache stès i gropes linguistics del Euregio e de sia convivenza.

La seconda scontrèda la sarà tel Sudtirolo dai **4 ai 6 de messèl**: a Busan i joegn i lurarà col Istitut de enrescida sudtiroleis Eurac Research per vardèr fora i plans climatics di trei raions del Euregio e i mudamenc climatics de la region alpina. Vegnarà analisà, ence, la situazion de la mendranzes e l svilup de la autonomia.

L'ultima scontrèda la sarà dai **16 ai 18 de aost** tel ambit de Euregio Days al Forum europeèn Alpbach 2025 tel "Villaggio dei pensatori" tiroleis. Vegnarà metù al luster coche i obietives de l'Union Europeèna per na Europa competitiva e l stravardament del clima (Orientament per la competitività de la UE – Green Deal) pel mudèr i raions alpins.

Enscinuazions

Se pel se scriver ite a la Academia del Euregio 2025 enschin ai **27 de oril del 2025** tras l sit del Euregio su la direzion www.euregio.info/academy. La quota de partezipazion per dut l zicle di seminaries, tout ite fit e cartier, la é de 90 euro. Per tor pèrt ge vel saer l todesch e l talian (livel linguistich B1 o più aut) e portèr dant na curta letra de motivazion.

Traduzion di Servijes Linguistics e Culturèl del Comun general de Fascia

(cdt)